



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

§. III. Miseria inferni.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

*Specu-
lum SPI-
RITUA-
LE.
Præsen-
tia omniū
boni.*

cunquē ibi sunt, planè Reges ac Reginae filiiq̄ue DEI sunt. Ibi omnes immarcescibili pulchritudine florent, & pace gaudent imperturbabili. Omnes ibi serenissima luce Divinitatis jugiter illustrantur, & plenam veritatis notitiam obtinent. Quilibet ibi singulos cæli cives distinctè perfectissimeq̄ue cognoscit; & omnigenâ opulentia, omnigenisq̄ue deliciis ac gaudiis abundat. Metuere non debes ibi desit quidquam eorum quæ hîc tibi placent. Nam quidquid decoris, elegantia, suavitaris, gratia, perfectio- nis & excellentia, hîc in omni- bus creaturis inveniri aut sentiri potest, id ibi exuberantissimè & superessentialiter est. Breviter, omnis boni influxus ibi est.

2. Et quidem electi qui illuc per- tingunt, ipsam beatitudinis æter- nae gloriam, ante resurrectionem in anima cumulatissimè recipi- unt: post iudicium verò etiam in corpore illam recepturi sunt. Omnes resurgemus in ea ætate in qua erat Dñs JESUS, quando pro- pter nos mortuus est. Senex centū annorum & infans unius noctis ejusdem staturæ erunt. Et licet boni quidem modò sint claudi, vel cæci aut deformes: tunc ta- men sani, integri, candidi & for- mosi absque aliqua macula resur- gent. Corpora electorum tunc emittent ex se suavissimum odo- rem, & erunt septuplo sole cla- riora, animarum gloriâ sese per illa diffundente. Erunt etiam

*Beatitu-
do corpo-
ris post
iudiciū.*

*Actus
florida.*

*Optima
forma &
sanitas.*

*Decor cor-
poris.
Odor.
Claritas.*

impassibilia, ita ut nullo nocu- mento jam possint affici. Erunt & tanta agilitate prædita, ut ubi- cunquē anima volet esse, eò corpus suum in momento addu- cat. Erunt item tam subtilia, ut solida & crassa quæque minori negotio penetrent, quàm splen- dor solis vitrum penetrat. Tunc cæli quoque & elementa immu- tata miroque decore ornata per- enniter effulgebunt: & sublata omni corruptione, sublatis, nu- bibus, ventis, imbribus, æstu, tonitruis, gelu, noctibus acte- nebris, succedet perpetua tran- quillitas, temperies, lux, & so- lis claritas septuplò major quàm modò sit. Aër plus habebit lu- minis quàm jam habeat. Aqua purior erit quàm nunc est. Terra tanquam crytallus perspicua, & ut palma, plana erit. Et quidem sensibilis mundi machina ad hunc modum renovata jucundissimum & æternum spectaculum Sanctis omnibus exhibebit. O quàm ven- nans & grata erit ætas illa peren- nis! Tunc nimirum Sancti, qui in hujus exilii hieme, tanquam arbores omni ornatu nudatæ, ap- paruerant humiles, aridiq̄ue pu- tabantur, decore ac gloria velli- entur inenarrabili, & sicut palme florebunt per omnia sæcula.

*Impas-
sibilia.*

Agilitas.

*Subtili-
tas.*

*Calor & di-
mensio
renove-
tia.*

§. III. MISERIA INFERNI.

Ceterum malis atque impiis, qui in peccatis suis moriuntur, omnia eveniunt felicitati & glo-
riæ

*Malis
in infer-
no
etiam
animæ*

Speculum
sui
rituale

riae iustorum contraria. Eorum enim animæ ante iudicium in ignem æternum & horrendas tenebras missæ, intolerabilibus tormentis cruciantur. Resument quidem in novissimo die corpora sua; sed ea erunt tetra, deformia, fœtida, & plumbo graviora. Post iudicium verò tartarus ipsos omnes & quidquid in mundo fœtoris atque spurcitiei est, in se recipiet: undè postea nullus unquam neque dæmon neque homo egredietur. Ibi erit stridor dentiũ, atque ululatus sempiternus. Ibi miseria, dolor, invidia, odium, ira & desperatio, nullum unquam finem habebit. Ibi denique damnati in suppliciis incomprehensibilibus semper videbunt, audient, & sentient quidquid horrore atque abominationi est.

supplicio
rum
virescit,
& aternitate,

2.
Hac tibi
ipsi acco-
modare
Audo.

Tu jam, amice dilecte, perpendens apud te & bonorum felicitatem, & malorum qui in sceleribus suis vitam finiunt, infelicitatem: perhorresce istam, atque ad illam quo potes desiderio & amore suspira. Modò quidem Deum patriamque cælestem fidei tantum oculo cernere potes: sed crede quod aperte non vides, ut cum apparuerit quod credideris, jam clara visione donatus, perfecte gaudeas. Inspice crebrò hoc spirituale Speculum, * quod ego

* Quo
etatis
sue aũo
Auctor
hunc li-
bellum
compo-
suerit,
& velut

jam annos quinquaginta natus mihi & tibi scripsi. Contemplant te ipsum in eo diligenter, ut defectus tuos facile agnoscas, agniti & velut rosque pro viribus corrigas. Ex-

pedit sanè, ut is qui in spiritu proficere cupit, certa aliqua præcepta ac monita præscripta habeat, juxta quæ omnem vitam suam studiosè instituat & ordinet. Quanquàm multis ad hoc abundè sufficiet attendenda consideratio vitæ JESU Christi, qui est lucidissimum Speculum omnium Christianorum. Ipsi gloria in sæcula sæculorum, Amen.

speculũ
omnib⁹
Ascetis
spectan-
dum ex
posu-
erit.

Symbolum Apostolorum.

CREDO * in DEUM, Patrem **C**omnipotentem, Creatorem cæli & terræ. Et in JESUM Christum, Filium ejus unicum, Dominum nostrum: qui conceptus est de Spiritu sancto, natus ex Maria Virgine, passus sub Pontio Pilato, crucifixus, mortuus, & sepultus; descendit ad inferos; tertia die resurrexit à mortuis: Ascendit ad cælos, sedet ad dexteram DEI Patris omnipotentis: inde venturus est judicare vivos & mortuos. Credo in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, vitam æternam, Amen.

* Vide
qua re-
verètia
D. Blo-
sius si-
dei ru-
dimen-
ta
psequa-
tur, ut
ea subli-
mibus
docu-
mentis
suis, tan-
quam si-
gillum
appo-
nat.

Oratio Dominica.

PATER * noster, qui es in cælis: sanctificetur nomen tuum: adveniat regnum tuum: fiat voluntas tua, sicut in cælo, & in terra. Panem nostrum quoti-

* Vtilis
oratio
pro bo-
no Spe-
culi usu
ad Deũ;

SECTU-
LUM SPI-
RITUA-
LE.

dianum da nobis hodie: & di-
mitte nobis debita nostra, sicut
& nos dimittimus debitoribus
nostris. Et ne nos inducas in ten-
tationem: sed libera nos à malo,
Amen.

Salutatio Angelica.

* Ad B.
Virgi-
acm.

AVE * Maria, gratia plena,
Dominus tecum: benedi-
cta tu in mulieribus, & benedi-
ctus fructus ventris tui JESUS
Christus, Amen.

Paruum Sertum spirituale.

* Item
Sertum
spiritua-
le.

DICTA * semel Oratione Do-
minica, addes decies Salu-
tationem Angelicam: & pro con-
clusionem adjunges duas sequentes
preces:

*Miserere mei, pie JESU. Con-
solare me, Maria mater DEI, &
Virgo humillima. Auferre à me
quidquid oculis vestris displicet.
Commendo me vobis nunc & in hora
mortis meae. Ecce, Domine mi, ego
resigno me totum in tuum benepla-
citum. Fiat semper in me & de me
gratissima voluntas tua. Effice me
hominem secundum cor tuum. A-
men.*

*Bone JESU, benigne JESU,
propter amaram passionem & mor-
tem tuam, da vivis veniam & gra-
tiam, da fidelibus defunctis re-
quiem, lucemq; sempi-
ternam, Amen.*

*Potesse etiam Sertum spirituale
legi hoc modo:*

FINITA * Oratione Domini-
ca, addatur ista Salutatio ad
sanctam Trinitatem: *Ave dulcis,
altissima, laudabilis & semper
tranquilla Trinitas. Ave Pater,
ave Fili, ave sancte Spiritus, unus
Deus. Ave lux iucunda, beatitudo
perennis, bonum incommutabile.
Tu es Dominus summe maiestatis,
ex quo omnia, per quem omnia, in
quo omnia: tibi gloria in secula se-
culorum, Amen. O Trinitas Deus
meus, emunda me miserum pecca-
torem. Exorna animam meam san-
cta gratia tua. Præsta ut te timeam
& amem iugiter, Amen.*

Deinde dicatur & ista Saluta-
tio ad JESUM: *Ave dulcis Iesu,
Fili Dei vivi, fili Virginis purissi-
me. Ave præcellens gemma divina
nobilitatis, & elegans flos dignitatis
humanae Ave Iesu chare, Iesu meli-
sue, Rex caelorum. Laus tibi Chri-
ste, qui incarnatus, passus, & mor-
tuus es pro me: laus veneranda Ge-
nitrici tuae & Virgini MARIE,
O Domine mi, propitius esto mihi
mifero peccatori. Redde me tibi pla-
centem. Da ut diligam te toto cor-
de, tota anima, tota virtute, Amen.*

Exinde adjungatur etiam ista
Salutatio ad Mariam: *Ave dulcis
Maria, Virgo Deipara, Regina ca-
li inclita. Ave candidum lilium
fulgide Trinitatis, & vernans rosa
amoenitatis calice. Ave Maria,*

gra-

SPECU-
LUM SPI-
RITUA-
LE.

gratia plena, Dominus tecum: bene-
dicta tu in mulieribus, & benedictus
fructus ventris tui *IESVS* Christus,
Amen. O Domina mea, ora pro me
misero peccatore. Impetra mihi cor
secundum cor Dei. Impetra purum
amorem erga Filium tuum, & erga
te, Amen.

His expletis, adisciantur pro
conclusionē duæ aliæ preces
videlicet, *Miserere mei pie Iesu,*
&c. *Bone Iesu, benigne Iesu,* &c. *

* Vrefe
paulò
antè in
parvo
Serto
spiritua
li.

Hac quoque ratione ipsum Ser-
tum spirituale potest
expleri:

* Aliæ
piæ pra-
ces Ser-
ti spiri-
tualis
iuxta
modos
præce-
denti ar-
tículo
assigna-
tos.

Si vis referre prædictum Ser-
tum præcipuè ad sanctam Tri-
nitatem, tum * inter Orationem
Dominicam & duas postremas
preces leges ter, aut quoties
libuerit Salutationem ad Trini-
tatem.

Similiter si vis Sertum referre
præcipuè ad Jesum, post Ora-

tionem Dominicam recitabis ter,
vel quoties libuerit, Salutio-
nem ad Jesum, atque in fine addes
duas postremas preces.

Itidem si vis referre Sertum
præcipuè ad virginem Deiparam,
tum inrer Orationem Domini-
cam & duas postremas preces
leges ter, aut quoties libuerit,
Salutationem ad Mariam.

Profectò, quisquis prædictas
oratiunculas pia sinceraque de-
votione legerit, magnam gratiam
à Deo & Virgine- matre impetra-
bit. Quòd si eas ediscere volue-
rit, commodiùs suaviùsque illas
fortè Deo offeret, quàm si ipsas
memoria non complecteretur.
Possunt verò legi eadem oratio-
nes etiam ad honorem Sanctorum
in cælo regnantium, beatorum-
que Angelorum, & ad salutem
tam vivorum quàm de-
functorum fide-
lium.

Moni-
tiuncu-
la pro
praxi
horum
Serto-
rum.



Nn 3

HLUDO